

直隸霍州志

卷十八	封爵
卷十九	秩官
卷二十	官績

直隸霍州志卷十八

封爵

揚雄王通好譚封建然井田不復封建奚爲漢之  
七國唐之藩鎮勿論已有明繼體肇亂燕藩迨至  
神宗已違寶訓郡封絕再襲親王無旁推宗祿易  
虧名婚無日猶曰非病矣乎卽就晉言晉二軍替  
宗三家分晉叔處且助武庚濟熿亦通高煦矣我  
朝建置郡縣原本大公億萬斯年人心鞏固然則翦桐  
削珪史佚無由成過柳州亦不必好辨也今所輯  
直隸霍州志

卷十八

封爵

一

者亦以爲志乘相仍聊資故實而已

本州

周

霍叔處文王第六子武王十三年封於霍成王三年降  
爲庶人後復國至春秋閔公元年爲晉所滅

霍伯先軫子且居食采於蒲稱蒲城伯襄王二十八年  
將中軍敗秦師於彭衙後受霍邑稱霍伯

魏悼子畢萬後魏武子子晉文公立令武子襲魏氏之  
後列爲大夫治於魏生悼子徙治霍

晉

永安王劉安國劉淵所封

永安伯孔沈以扈從功封

北魏

永安郡公高浚獻武王子元象中封

按元象元年置永安屬五城郡即今

之靈石也

永安公劉羅辰以宣穆皇后兄封子殊暉襲

永安侯魏勤太宗時封

按永興五年永安侯魏勤率眾三千鎮西河是年冬擊吐京失

利死之

直隸霍州志

卷十八

封爵

一一

永安侯劉乞歸孝文初封

永安侯薛曇尚虎子建義中封

永安侯賀純

永安縣伯樊子鵠代郡平城人父興平城鎮長史歸義

侯普恭中贈荊州刺史子鵠逢北鎮擾亂南至并州

尒朱榮引為都督府倉曹參軍使詣京師靈太后問

榮兵勢應對稱旨太后嘉之除直齊封南和縣子令

還赴榮建義初拜晉州刺史封永安伯後除兗州刺

史孝武帝入關子鵠據城被殺

永安子陸龍成麗弟子昶襲

西魏

永安縣公竇熾恭帝元年繇安武縣公改封周初晉封

神武郡公

北齊

永安王高浚高祖第三子天保元年六月繇永安郡公

晉封乾明元年嗣子準襲

永安縣侯敬顯儁

北周

直隸霍州志

卷十八

封爵

三

霍國公賀拔緯岳子保定二年七月繇白水郡公晉封

永安縣公竇毅字天武兄子父岳早卒以毅勲追贈大

將軍冀州刺史毅深沉有氣度事親以孝聞魏孝武

初起家員外散騎侍郎齊神武擅朝毅慨然有殉主

志從孝武西遷封奉高縣子禽竇泰復宏農戰沙苑

皆有功進爵安武縣公恭帝元年進授驃騎大將軍

開府儀同三司大都督改封永安縣公出爲幽州刺

史其第二女卽唐高祖太穆后

永安縣侯韋壽孝寬子建德中封靜帝初晉滑國公

隋

永安縣伯杜彥雲中人父遷徙幽彥勇果善騎射仕周左侍上士後從陸通擊陳將吳明徹於土州破之又擊叛蠻克倉塹白楊二柵斬渠帥進平郢州賊帥范志拜大都督尋遷儀同治隆州郡事復拜隴州刺史賜爵永安縣伯開皇初進爵公

永安縣男鄭元珣周沛國公譯子開皇初封 按隋書地理臨汾有後魏永安縣開皇初改爲西河大業初省其故縣在今洪洞縣西南三十里卽孝昌二年西

直隸霍州志

卷十八

封爵

四

河郡所僑置也此條不當入州志舊志有姑存之

唐

霍王李元軌高祖第十四子武德十年繇吳王改封武后時坐與越王謀起兵被害神龍中復爵曾孫暉襲

霍山王李璡蔡王岡同孫

永安王李孝基高祖從父弟武德元年封隋大業末尉遲恭爲劉武周偏將與宋金剛南侵得晉澮等州襲

破永安縣王孝基戰沒

霍山公名洪嗣以漢陽郡王懷子繼諡曰武

霍國公柴紹尚平陽公主義旗初封臨汾郡公武德元年以從平薛舉劉武周勲晉封貞觀七年改封譙國公

霍國公王毛仲先天元年以預誅蕭岑等封

霍國公王思禮肅宗初以從收復二京功封

霍國公令狐彰初從史思明後歸降以平賊功封

永安縣公姜寶誼武德初佐命功封

金

霍王完顏從彝顯宗子泰和八年繇蔡王改封

直隸霍州志

卷十八

封爵

五

明

懷仁王遜炆代簡王第八子諡榮定天順五年徙王霍州子鎮國將軍仕壕先卒恭和王成鈺襲追封鎮國安僖王恭和薨子溫惠王聰淑襲無子弟鎮國將軍聰洌理府事子莊簡王俊榭襲晉鎮國康僖王莊簡薨子充淤以父冒襲降奉國將軍理府事

趙城縣

造父嬴姓伯益十三世孫其祖名孟增幸於周成王是爲宅皋狼造父以善御幸於周穆王封於趙城其地

河東永安縣是也 史記蜚廉有子曰季勝季勝三世爲造父以善御幸於周穆王取驥之乘匹盜驪驂騮騶耳獻之穆王命爲御西巡狩見西王母樂而忘歸徐偃王反造父御穆王長驅歸周以救亂乃賜造父以趙城族由此爲趙氏

奄父號公仲造父六世孫周宣王時伐戎爲御千畝之戰脫宣王於姜氏之戎命爲大夫子叔帶去周事晉文侯

趙夙叔帶五世孫仕晉晉獻公十六年滅耿賜趙夙耿直隸霍州志 卷十八 封爵 六 今河東皮氏縣有耿鄉是也

趙衰夙之孫事晉公子重耳重耳以驪姬之難奔翟衰從翟伐廆咎如得二女以少女妻重耳長女妻衰生盾初衰在晉時妻亦生同括嬰齊三子重耳出亡十九年得返國爲晉文公衰爲原大夫其前妻固迎翟妻而以其子盾爲適嗣襄公六年衰卒諡成季

趙盾任政二年襄公卒太子夷臯年少欲立襄公弟雍太子母日夜號泣頓首謂盾曰先君何罪釋其適子而更求君遂立太子是爲靈公靈公不君厚斂以彫

牆從臺上射人而觀其辟丸宰夫膈熊蹯不熟殺之  
實諸畚使婦人載以過朝盾與士季見其手將諫及  
雷公曰吾知所過矣將改之公猶不改盾驟諫公患  
之使鉏麇賊之晨往寢門闢矣盛服將朝尚早坐而  
假寐麇退而嘆曰不忘恭敬民之主也賊民之主不  
忠棄君之命不信不如死也觸槐而死公飲盾酒伏  
甲將攻之其右提彌明知之趨登曰臣侍君宴過三  
爵非禮也遂扶以下公嗾夫獒焉明搏而殺之盾曰  
棄人用犬雖猛何爲鬪且出提彌明死之初衰田於

首山舍於翳桑見靈轍餓食之舍其半問之曰官三  
年矣未知母之存否今近焉請以遺之使盡之而爲  
簞食與肉實諸橐以與之旣而與爲公介倒戟以禦  
公徒而免之問何故曰翳桑之餓人也問其名不告  
而退趙穿攻公於桃園宣子未出太史書曰趙盾弑  
其君以示於朝曰子爲正卿亡不越竟反不討賊非  
子而誰

趙朔嗣爲政景公三年司寇屠岸賈欲誅趙氏乃治靈  
公之賊徧告諸侯曰盾雖不知猶爲賊首以臣弑君

子孫在朝何以懲罪請誅之與諸將攻趙氏於下宮  
殺朔及同括嬰齊皆滅其族

趙武下宮之難朔妻成公娣有遺腹走公宮匿免身生  
男屠岸賈聞之索於中宮夫人置兒袴中祝曰趙宗  
滅乎若號不滅若無聲兒竟無聲已脫趙朔友程嬰  
謂朔客公孫杵臼曰立孤與死孰難嬰曰死易立孤  
難耳杵臼曰趙氏先君遇子厚子強爲其難吾爲其  
易乃二人謀取他人嬰兒負之衣以文葆匿山中程  
嬰出謂諸將曰嬰不肖不能立趙孤誰能與我千金

吾告趙氏孤處諸將喜許之隨嬰攻杵臼曰曰小人  
哉程嬰下宮之難不能死與我謀匿孤兒今又賣我  
抱兒呼曰天乎天乎趙氏孤兒何罪請活之獨殺曰  
可也諸將不許遂殺杵臼與孤兒然趙氏真孤乃反  
在程嬰卒與居匿山中十五年晉景公有疾卜之大  
業之後爲崇公問韓厥厥知孤所在曰大業之後在  
晉絕嗣者其趙氏乎夫叔帶事先君文侯至於成公  
世有立功今吾君獨滅趙宗國人哀之故見龜策公  
問趙尚有後子孫乎厥具以實告公召而匿諸宮中

諸將入問疾景公因韓厥之衆以脅諸將而見趙孤名曰武諸將曰下宮之難屠岸賈矯以君命非然孰敢作難微君之疾羣臣固且請立趙後也於是召趙武程嬰徧拜諸將遂攻屠岸賈滅其族復與趙武田邑如故程嬰乃辭諸大夫謂趙武曰今趙氏旣成人復故位我將下報宣孟與杵臼遂自殺趙武服齊衰三年爲之祭邑春秋祀之平公十二年武爲正卿卒諡文子

趙鞅文子孫頃公九年鞅將合諸侯戍於周其明年入

周敬王於周辟弟子朝之故也十二年六卿以法誅公族祁氏羊舌氏分其邑爲十縣六卿各令其族爲之大夫晉公實由此益弱十三年魯賊臣陽貨來奔鞅受賂厚遇之鞅有疾五日不知人醫扁鵲視之曰血脉治也而何怪昔秦繆公嘗如此七日而寤今主君之疾與之同居二日半鞅寤語大夫曰我之帝所甚樂與百神遊於鈞天廣樂奏萬舞不類三代之樂其聲動人心有一熊來援我帝命射之中熊熊死又有一羆來我又射之中羆羆死帝甚喜賜我二笥皆

有副吾見兒在帝側帝屬我一翟犬曰及爾子之壯也  
也以賜之帝告我晉國且世衰七世而亡嬴姓將大  
敗周人於范魁之西而亦不能有也今予思虞舜之  
勲余將以其胄女孟姚配爾七世之孫董安于受言  
而書藏之以扁鵲言告鞅鞅賜扁鵲田四萬畝他日  
簡子出有人當道曰吾欲有謁於主君從者以聞召  
之曰嘻吾所見子晰也當道者請屏左右曰主君之  
疾臣在帝側帝令主君射熊與羆皆死晉國且有  
大難主君首之帝令主君滅二卿夫熊與羆皆其祖也

鞅曰二笥皆有副何也曰主君之子將克二國於翟  
皆子姓也鞅曰兒在帝側帝屬我一翟犬曰及爾子  
之長賜之何也曰兒主君之子也翟犬者代之先也  
主君之子必且有代及主君之後嗣且有華政而胡  
服并二國於翟簡子延之以官曰臣野人致帝命耳  
遂不見簡子書藏之府元王十三年鞅卒諡簡呂氏  
春秋簡子獵於晉山之陽撫膺而嘆董安于曰敢問  
何嘆曰吾有食穀之馬數千多力之士數百欲以獵  
獸也吾恐鄰國養賢以獵我也

趙母卹簡子子初姑布子卿見簡子召諸子相之子卿曰無爲將軍者吾嘗見一子於路殆君之子也簡子召母卹至子卿起曰此真將軍矣簡子曰其母賤翟婢也奚道貴哉子卿曰天所授雖賤必貴後簡子告諸子曰吾藏寶符於常山上先得者賞諸子馳之無所得母卹還曰已得符矣簡子曰奏之母卹曰從常山上臨代代可取也簡子於是知果賢乃廢太子伯魯而以母卹爲太子簡子卒母卹立是爲襄子其姊爲代王夫人簡子旣葬未除服北登夏屋請代王至

使厨人操銅料以食代王及從者行斟陰令宰人各以料擊殺代王及從官遂興兵平代地其姊聞之泣而呼天摩髻自殺代人憐之所死地名爲摩髻山遂以代封伯魯魯早卒子周爲代成君四年知伯與趙韓魏盡分范中行故地晉出公怒告齊魯欲伐之四卿恐遂共攻出公出公奔齊道死知伯乃立昭公曾孫驕是爲晉懿公知伯益驕請地韓魏與之請地趙趙不與以其圍鄭之辱知伯怒遂率韓魏攻趙襄子懼奔保晉陽原過從而後至於王澤見三人與原過

竹二節曰爲我遺襄子原過以告襄子剖竹有朱書曰余霍太山山陽侯天使也三月丙戌余將使汝反滅知氏汝亦立我百邑襄子拜受之時三國攻晉陽歲餘引汾水灌其城不浸者三版城中縣釜而炊易子而食羣臣皆有外心惟高共不失臣禮襄子懼夜使張孟同私於韓魏合謀反滅知氏共分其地於是襄子行賞高共爲上張孟同曰晉陽之難惟共無功襄子曰方晉陽急羣臣皆懈惟共不敢失人臣禮是以先之於是趙北有代南并知氏強於韓魏遂祠三

神於百邑使原過主霍太山祠祀其後娶空同氏生五子襄子爲伯魯之不立也不肯立子且必欲傳位於伯魯子代成君成君先死乃取代成君子浣立爲太子襄子立三十三年卒浣立是爲獻侯少卽位治中牟襄子弟桓子逐獻侯自立於代一年卒國人曰桓子立非襄子意乃共殺其子而復迎立獻侯治中牟歷三世爲敬侯元年武公子朝作亂於是徙都邯鄲

按邑舊志自造父迄襄子并尹鐸並列秩官復以造

父尹鐸祀名宦則皆仕趙城矣非是李志別立世家似也然郡邑志未有立世家者造父受天子封入封爵宜矣奄父以下皆仕晉世掌晉軍舊志又獨以簡子爲鄉賢而成季文子之賢不與焉亦安所取義乎夫趙氏自奄父迄襄子雖已去周仕晉要皆爲趙氏之裔因附志於此

